

Xujun xi kits'ínkjihí nda postru Pablo Filemon

B'í ts'ín kíkjaníñahá Pablo Filemon

¹ An Pablo kjíya'yán ngat'ahá Cristo Jesu. An kō nda nts'eé Timoteo tísuniñaihí nda Filemon. Tjo nkjúnna ji. Ji xi ta tín'exát'aihí Cristo.

² Tísuniña yaihi nichjaá Apiá, kō nda nts'eé Arkipo xi ta tít'sín nga'yún ngat'ahá Cristo, kō xuta ninku xi ma ñjakú ni'yahi.

³ Kas'enūu kjuanda kō kjuajyu xi tsjáná Ntia Na'miná kō Nda Ntíaná Jesucristo.

B'í ts'ín kitsúya Pablo xi nkú ts'ín nchjantjai Filemon

⁴ F'áitsjenna ji nk'ie nga nchjaká Ntíaná. Tehente tsja máb'achjihí

⁵ nga tí'miyana xi nkú ts'ín tjohi ngayjee xuta xi Ntíaná kits'ín ts'e kō xi nkú ts'ín n'e s'ejin Nda Ntíaná Jesu.

⁶ Bankihí Ntíaná nga xi nkú ts'ín n'e s'ejin ni xi ngujihín n'e s'ejían, kui xi kats'ínxájin kjuankjintak'uhin tu xi b'a ts'ín kamankjihin ri ngayjee ni nda xi tjínná ngat'ahá Cristo Jesu.

⁷ Tsjo nkjún tjínna kō sakúna nga'yún ngat'ahá xi nkú ts'ín tjohi xuta ninku. At'ahá ngat'ahi, nda nts'é, kisakú nga'yúhūn animahá xuta xi ts'e Ntíaná.

B'í ts'ín nchjantjai Pablo Onesimo

⁸ Kui b'a maha, ndaha tsa ngajoho Cristo kama kuinchjako masen masehen ni xi tjihin nga n'ei,

⁹ tunga tu sa ni tibankihi ni xi xihin at'aha tjoná xinkjá. An Pablo xi ja kama chá ko kjíya'yán nd'ai tu ngat'aha Cristo Jesu

¹⁰ tibankihi nku kjuanda ngat'a ts'e Onesimo. Kui xi ja tsichu ma xi nkú joyaha tsa ntína ei aya nubayo.

¹¹ Kui xi najmi kamachjéhin nistjin nk'ie tunga nd'ai ji ko an machénná ndo.

¹² Títs'inkjise ngáhara. N'ekjáihín xi nkúhu tsa an niu.

¹³ Mjena nga k'úejñako sana ei tsakai tu xi ngajohi ts'íinxát'ahana ei má nga kjíya'yán tu ngat'aha én nda tsuhu Nda Ntíaná.

¹⁴ Tunga ndahá nku ni najmi mjena chuba ts'ian tsa najmi tjínkuhu tak'uin, tu xi animahi nibaha ra kjuanda xi n'ení ko najmi an ts'in kjua'yúhunra.

¹⁵ Kutsa kuihi kjuaha ngji t'axihin ri Onesimo chuba nistjin, tu xi n'ekjain sín ngáha ri nd'ai.

¹⁶ Tunga najmi ta xi nkúhú ni tsa nku nda musu xi kich'atsei chāsehí. Tu sa ní chāsehí xi nkúhu nku nda xi 'yún chí saha ra nga nku nda musu. Ngat'a ts'an ndats'é ja tsichu ma ndo ko tjona. Ngat'a ts'i 'yún chí saha ra ndo, at'aha ta ts'íinxát'a ngáha ri ko ta s'ejihín Nda Ntíaná xi nkúhu ji.

¹⁷ Kui b'a maha, xihí yaní nga nkuhú tinchajían ni xi ngujihín s'ejinná, n'ekjain ngáha ri Onesimo xi nkúhu tsa an niu.

¹⁸ Tsa tjin má najmi nda kits'ínkóhi ko tsa tjin ni xi tjeheh ts'i, kuentana t'et'ai niu.

¹⁹ An k'uechjá ni xi tjeheh. An Pablo ntuna tib'et'áhana xujuin nga b'a ts'ian, ndaha tsa kama

ts'inkj'áitsjehen ni xi tjehin ts'an. Ngat'ana tinchi-hinni.

²⁰ Ji nda nts'e, at'aha tjohi Nda Ntiana, kasakujinna ji nku kjuanda. Tjen nga'yihin animana tu ngat'aha nga nkuhú kich'aá Cristo.

²¹ B'a ts'in tib'et'áha at'aha behe k'an nga kuinú'yá'énni. Be nga 'yún n'etjusun sai ni xi tibankihi.

²² Ko ta tibankihi kj'ai sa ni. T'endaní nku ante ni'yahi, at'aha tibinchihu Ntiana nga kama kfínsenu. Tu tikuyáhá ra nga b'a kama.

B'i ts'in kits'ínkje Pablo xujun

²³ Títs'ínkjihi kjuasuniña nda Epafra. Ei ta kjiya'yúnkona ngat'aha Cristo Jesu.

²⁴ Ko ta títs'ínkjihi kjuasuniña nda Marko, nda Aristarko, nda Dema ko nda Luko. Kui jái ta y'anjikona xá xi títs'ian.

²⁵ Kjuandaha Nda Ntiana Jesucristo kas'eyaha animanu.

Éhen Ntíaná
New Testament in Mazatec, Jalapa de Díaz
(MX:maj:Mazatec, Jalapa de Díaz)

copyright © 2013 Wycliffe Bible Translators, Inc.

Language: Mazatec, Jalapa de Díaz

Translation by: Wycliffe Bible Translators, Inc.

Mazateco, Jalapa de Díaz [maj], Mexico

Copyright Information

© 2013, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, Jalapa de Díaz

© 2013, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
e05183c2-7c34-5cdd-8c78-15ea51bd8cbb